

20 Олан гажой - «Василей»

СИОМА ОНІЯ ВЫЛЬ КОМИ СЫЛАНКЫВЪЯСА «ВАСИЛЕЙ» ФЕСТИВАЛЬ-КОНКУРСЛОН 20 ВОСЯ ЮБИЛЕЙЛЫ

Кузь нэм да бур шуд!

Шармагор

Эжва йывса войтырлөн газет

Пето 1929 восянь

Субота, 2013 вося январ 12 лун 5 (10592)-өд №



Гений Горчаков



Борис Тюрнин



Василий Чувьюров



Василий Лодыгин



Василий Гуцин

ЧОЛӨМАЛӨМЪЯС

Дона асмыввася!

Чолөмала тиянөс вьль коми сыланкывъяслөн «Василей» республикаса конкурслөн тшупода пасөн!

20 во сайын тайо фестивальлы подув пунктисны композиторъясы Василий Гуцин, Василий Чувьюров да поэт Василий Лодыгин. Став тайо восян «Василей» паськыда нималис гөгөр да лоис ярьогыд гажон, кодй быд во коми сыланкыв радейтысыясос чукөртө зал тыр.

Быд во «Василей» воесть вьль сыланкывъяс нималана композиторъяслыс, кодъяслөн нимъясыс лооны миян республикалөн национальнөй озырлунөн: Гений Горчаков, Михаил Оверин, Василий Гуцин, Иван Нестеров, Марк Новосёлов, Алексей Ген, Лидия Логинова, Ирина Чувьюрова, Михаил Логинов да уна-уна мукөдыс.

Сиа конкурсо пырөдчысыяслы, гаж котыртысыяслы да гөсьтыяслы творчествоын вермөмъяс, кыпыд ловру да ловби! Коми республикаса юралыс **В.М.ГАЙЗЕР**.

Дона ёртъяс!

Меным зэв нимкодь чолөмавны вьль коми сыланкывъяслөн «Василей» республикаса фестиваль вьлө воыс гөсьтыясос да конкурсын петкөдчысыясос!

2013 воын «Василей» пасйө 20 вося юбилей. Тайо кадөн сийө лоис республикалөн культура олөмын зэв төдчанаторйөн, кодй паськыда нималис гөгөр. Тани чужоны вьль коми сыланкывъяс, чужоны коми йөзлөн сыланкывъяс да шылада творчествоын вьль кодзувъяс. И талун тайо сцена вьлын петкөдчоны збыль артист-профессионалъяс, кодъяслөн творчество ийджө миян сёлөмъясөс.

Сиа гөсьтыяслы да конкурсын петкөдчысыяслы творчествоын вермөмъяс, кыпыд ловру да ловби!

Коми республикаса культура министр **А.А.РУДОЛЬФ**.

Коми республикаса национальнөй туйвизьлөн министерство пөся чолөмалө тиянөс Рөштвоон да «Василей» гажон.

Зэв нимкодь, мый уна во чөж нин «Василей» чукөртө сёлөм вөрзөдана шылад да кывбур тэчысыясос, мыла гөлөса сылысыясос, гажөдө республикаын олысыясос мелі коми кывъя сыланкывъясон.

Аттьө куим Василейлы – Василий Гуцинылы, Василий Лодыгинлы да Василий Чувьюровлы – тайо праздникис лоис ыджыд козинөн сиктын олысыяслы. Нимкодь, мый «Василей» гаж быд во шызыдө Кулөмдін районөс да став республикаөс. Быд во ми вермам Рөштвоста праздникъяс дырйи шойчыштны татшөм кыпыд гаж вьлын.

«Василей» котыртысыяс вөчоны коми кыв, традицияяс видзөм да сөвмөдөм могысь зэв колана да ыджыд удж. «Василей» гаж - тайо куд, кодй быд во пансигон чужтө, сетө да югзөдө республиканымөс вьль кодзувъясон, вьль нимъясон, кодъяс вермөны нимөдны чужан мунымөс оз сөмын республикаын, но и Россияса да суйөрсайса кар-районъясын. «Василей» гаж вьлын юргысь сыланкывъяс кылөны став республикаын.

Сиа «Василейлы» зумыда да кыпыда воеславны водзө, торйөн нин Кулөмдін районса сикт-грездыяст! Мед уна вося чөж на «Василей» гажөдас миянөс аслас мыла, мича, сёлөм вөрзөдана сыланкывъясон!

Министр **Г.И.ГАБУШЕВА**.

Кулөмдін районса пыдди пунктана олысыяс! Дона асмыввася!

2013 вося январ 13 лунө лоас төдчана ыджыд гаж - вьль коми сыланкывъяслөн «Василей» республикаса фестиваль-конкурслы, конй бөрийоны ашпөр авторъясон да композиторъясон гижөм медбур сыланкывъяс, тырас 20 во.

Фестиваль төдчана сийөн, мый гажлөн шөр «героиясон» лооны оз профессионалъяс, а ашпөр композиторъяс, и тайо вөвлыгөмтор абу сөмын Коми республикаын, но и Россияын. 20 во дорыв конкурсо пырөдчоны композиторъяс республикаса каръясыс да районъясыс: Сыктывкарысь, Эжваысь, Изьваысь, Удораысь, Көрткерөсысь, Койгортысь, Абычайысь, Кулөмдінысь да мукөдлаысь.

Торъя төдчанаон лоө видзөдысыясон сыланкывъяс донъялөм - гаж вьлө воысыяс асьныс бөрийоны на серти медбурөс.

2003 воын «Василей» пасйис 10 вося тшупода пас. Кывкөртөдөн дыр кад чөж мунысь конкурслы лоис «Василей» сборник лэдзөм, кытчө пырисны кольөм восяын конкурсын вермысь композиторъяслөн сыланкывъяс. 20-өд во пасйис фестиваль бара чукөртглас медбур сыланкывъяслыс, кодъяс кольөм 20 воон босьтлісны гран-при да «Видзөдысыяс серти медбур» приз, авторъясөс да сылысыясос.

Вьль коми сыланкывъяслөн юбилейнөй фестиваль мунас Сыктывкарын, опера да балет театрын. Тайо сетас позянлун чукөртны 760 гөсьтөс. Гажлөн кольөм кадыс топыда йитчөма Кулөмдін районкод: гаж котыртысыясон лооны миян районсаяс, культура юкөнын Коми республикаса пыдди пунктана уджалысыяс Василий Гуцин, Василий Лодыгин да Василий Чувьюров, - та вөсна и водзө «Василейлөн» чужанинөн коляс Кулөмдін район.

Налөн отсөгөн, а сіджжө гажө пырөдчысыяслөн - авторъяслөн, творческой котыръяслөн, өткөн сылысыяс отсөгөн - быд во Коми республикалөн культура озырмө коми кывъя вьль сыланкывъясон, конй петкөдчө чужан му динө помтөм муслун да коми войтырлөн бур сёлөм да лов.

Эскам, мый вьль коми сыланкывъяслөн «Василей» республикаса кызьөд фестиваль коляс видзөдысыяслы да конкурсо пырөдчысыяслы вежорас кызди ярьогыд аслыспөлөс праздник, отувтас коми сыланкыв радейтысыясос, лоас кольөм став «Василей» фестивалыяслы кывкөртөдөн, и гаж вьлө волас кольөм восяын серти медся уна гөсьт.

«Кулөмдін» муниципальнөй районса юралыс - районса администрациян воекөдлысь **Д.А.ШАТОХИН**.

«Василей» гаж – вьль коми сыланкывъяс чужтанін, конй өзйоны коми войтыр пөвстысь енбиа вьль кодзувъяс, конй сөвмөдөны асьныс кужөмлунсө коми шылад тэчысыяс да коми сылысыяс.

Неыджыд кадколастөн «Василей» сетис позянлун кыпөдны коми йөзлысь сылан культура өнйя луныслы лөсялан тшупөдөдз да паськөдны сийөс быдсикас жанръясын.

Кулөмдінны мөвпыштөм коми гаж лоис зумыд подулөн коми войтырлысь аскылөмсө видзөмын став Коми му пасьтала.

«Коми войтыр» өтмунөм да «МИ» коми том войтырлөн котыр нимсянь пөся чолөмалам «Василей» гаж радейтысыясос 20-ысь котыртчөмөн!

Коми гаж мөвпыштысыяслы да сийөс сөвмөдөмын медся өна водзөстчысыяслы - Василий Григорьевич Лодыгинлы, Василий Яковлевич Гуцинылы, Василий Николаевич Чувьюровлы - сёлөмсянь сиа кузь нэм да бур шуд, вьль ыджыд шедөдөмъяс творчествоын да став бурсө олөмын!

«Коми войтыр» өтмунөмөн воекөдлысь **Сергей ГАБОВ**, «МИ» коми том войтырлөн котырон воекөдлысь **Яна САЖИНА**.



Марк Новосёлов



Пётр Шучалин



Михаил Оверин



Чолөмалө Владимир Торлопов



Дзоридзьяс Сергей Каплинсянь



Бурсиём Дмитрий Шатохинсянь



Михаил Бурдин



Любовь Глазырина



Алексей Ген



Ирина Чувьюрова

«Василей» вылын 20 во чөжөн асланыс сыланкывъясьон петкөдчисны: Кулөмдин районысь Василий Чувьюров, Василий Гуцин, Василий Лодыгин, Александр Уляшёв, Василий Лютоев, Александр Шебырев, Михаил Шахов, Виктор Острыков, Иван Нестеров, Юрий Уляшёв, Любовь Осипова, Галина Сенькина, Василий Кочанов, Сыктывкарысь Гелий Кочанов, Борис Тюрнин, Михаил Бурдин, Александр Фёдоров, Александр Горчаков, Григорий Игнатов, Анна Лопырева, Александр Попов, Максим Уляшёв, Нина Тарабукина, Александр Епанешников, Эжвасысь Гений Горчаков, Михаил Логинов, Көрткерёс районысь Ирина Латкина, Светлана Свентицкая, Алексей Ген, Альберт Ширяев, Светлана Вязова, Сыктывдин районысь Михаил Оверин, Ирина Чувьюрова, Василий Марсов, Лидия Логинова, Зоя Жижева, Николай Фролов, Николай Кузванов, Изьва районысь Фёдор Вокуев, Генриетта Суслова, Любовь Терентьева, Визиньысь Любовь Глазырина, Игорь Пирогов, Абъячойсь Пётр Шучалин, Койгортысь Марк Новосёлов, Удораысь Михаил Скомороков, Печораысь Альберт Артеев, Евгений Брадацкий, Сосногорск районысь Евдокия Рочева, Чилимдиньсь Екатерина Канева, Ухтаысь Юрий Берестнев, мукөдъяс.

КЫДЗИ АРТМИС ЫДЖЫД ГАЖ

Өнiя выль коми сыланкывъяслон «Василей» фестивал-конкурс чужис сэтшөм кадö, кор коми йöз кыптисны ассыныс ашпöрлун дорйöм могысь. Найö тöдчöдисны, мый республикаын, кодi шусьö Комиöн, комияс лооны титульной нацияöн, быты колö пыдди пуктыны да сөмöдны чужан кыв, искусство, культура, ставнас оласног. Вöли коми йöзлөн медводдза съезд, конi гөгöрбок сёрнитисны та йылысь, урчитисны збыльмöдны шуöмторъяс.

Тайö тöждъясыс зөв матынось вöлины Коми республикаын бура тöдса гижысь да журналист Василий Лодыгинлы, кодi, кызди и öнi, уджалiс районса газетын, ветлiс коми йöзлөн чукöртчылöм вылö, веськöдлiс ас районын коми йöзлөн «Эжватас» котырöн. Сийö мөвпалiс: «Газет-журналъяс да книгаяс кöть этшаника, но петöны, радио пыр коми кыв кылыштö, а выль коми сыланкывъяс абуюсь, Валентина Есева сылыштлö сöмын верöсылысь, Вацлав Мاستеницалысь, этшаник выль сыланкывсö да гижыштлö Яков Перепелица. Найö абу комияс, коми сыланногыс налөн абу гөг сюрöсас. Сыланкывтöм войтырлөн аския луныс абу. Колö мыйкö вöчны, медым выль сыланкыв лоис быты. Сийö колö быд сөйгөн нянь моз. Республикаса композиторъяслон котырлы кö тайö веськөд, то мед лоб асланым тöждөн да могөн».

В.Г.Лодыгин босытчис уджөд-

ны медводз асысö - гижны сыланкывъяс лöсьöдöм могысь кывбурьяс. Сэсся тöдмалiс, республикалөн кутшöм районъясын да кодъяс гижöны сыланкывъяс. «Адзысысны» Дереванöйысь Василий Чувьюров, Сыктывкарысь Гелий Кочанов да Борис Тюрнин, Скöрдумысь Александр Уляшёв, Койгортысь Марк Новосёлов, Абъячойысь Пётр Шучалин, Удораысь Михаил Скомороков. Сы моз жö Кулөмдиньын вöли Василий Гуцин. Налы и мөдöдалiс кывбурьясö, мед лöсьöдасын сыланкывъяс, корис пыöдчыны мукöд поэтыяс дорö, тöдмөдiс могнас гижысь котырлөн республикаса правлениеöс, кодөн веськöдлiс Геннадий Юшков.

Аслас удж йылысь висьталiс Василий Гуцинлы, кодкөд ёртасис нин, да корис отсыштны, медым чукöртлыны сыланкыв гижысысöс. Василий Яковлевичлы тайö вöли кывывджык, сы вöсна мый 1980-öдсянь 1987-öдз веськöдлiс районса культура юкөнөн, а сөки вöли «Эжваса дзоридзьяс» сылысь котырөн веськöдлысьөн. Öтув уджалöмөн, пыöдчисны республикаысь районъясса культура юкөнъясьон веськöдлысыс дорö, медым найö адзисны поэялун да мөдöдисны Кулөмдинö республикаса ашпöр композиторъяслон рыг вылö ас районса сыланкыв тэчысыс. Быд район мунiс воча.

Чукöртчисны Кулөмдинö Василий Лодыгинлөн нимлун вылö моз 1994 вося январ 14 лунö - важ выль воö, Василей лунö. Öта-мөдкөд адзысылөм да

тöдмасысöм, йитгöдъяс ёнмөдöм да водзö вылö удж урчитöм могысь. В.Лодыгин да В.Гуцин дасытылысьны рытлысь мунанног да сийö вöли кыпид. Волiсны эз сöмын композиторъяс, но и сылысыс да сылысь котыръяс. Со кызди та йылысь гижис «Парма гор» газетын журналист Эдуард Тимүшев: «Январ 14 лунö, Василей лунö, Кулөмдинса культура керкаын вöли ыджыд рыг, конi нимöдисны мяян районса поэт Василий Лодыгинöс. Татшöм рыгыс районса исторьяын вöли медводдзасыс на.

Рыг вылö волiсны районсыс да республикаысь художественной коллективъяс. Выступитiс тшöтш и Коми-Пермяккöй национальной округтысь «Мица асыв» фольклорной коллектив. Василей лунлөн рыгö поэт Василий Лодыгинлөн кывъяс вылö гижöм сыланкывыс öкмис матö 30. Композиторъяс Василий Гуцин, Александр Уляшёв, Василий Чувьюров, Гелий Кочанов, Борис Тюрнин, Марк Новосёлов, Василий Марсов да Пётр Шучалин важкөд нин öтув уджалöны поэткөд. Рыгыс заводчис поэзиясянь, лыддисны В.Лодыгинлысь кывбурьяс... Сэсся сцена вылö петавлiсны художественной

самодеятельностьта артистыяс, кодъяс медсясö сылысьны В.Лодыгинлөн кывъяс вылö гижöм сыланкывъяс... Празникыс мунiс пöшти 10 час рыгöдз, збылысь артмис гаж да кыпид... Пасьям, мый праздник дырйи Василей лунсö шуöма пасйыны быд во».

Василий Лодыгин вöзйис чукöртчыны во кольöм бöрын тадзи жö Василей лунö. Эз сы вöсна, мый тайö лунö сылөн нимлун, а сы вöсна мый Василей йöзкостса важысянь пыдди пуктана праздник, йитчöма абу сэтшöма еннога оломкөд, кызди йöзлөн оласногкөд. Сы подув вылын, выльторъяс пыртöмөн, поэя лöсьöдны йöзкостса ыджыд гаж. Сöмын сыланкывъяс петкөдлөмьд этша, колö, мед коми йöзлөн петкөдчис лолыс да бордыс, вежорыс да сёлöмыс. И праздниклы колö сетны «Василей» ним буретш тайö праздниксö тöдвылын кутöмөн, а оз думайтны, мый татшöм луныс Лодыгинлөн, Гуцинлөн да Чувьюровлөн Василий ним вöсна. Кодсюрö шуисны, мый тöвнад чукöртчыны абу кывы, падмөдны кутас кодзыд, но вермiс унджыкыслөн кывкөртöд: «Василей» гажлы мунны январ 13 лунö Кулөмдиньын.

КЫК ЁРТ ДА МУКӨДЪЯС

Мөвпсö, рочөн кö шуны, идеясö, кö сетiс Василий Лодыгин, то сийöс збыльмөдöмө медыджыд пай, кыв шутöг, пунктiс Василий Гуцин. Сийö медводдза лунсянь ставсö босьтiс сёлөм бердас. Тырмыс шуны, мый «Василей» сыланкыв, кодi юргö быд праздник дырйи, лоис

сылөн гимнөн, лöсьöдiс Василий Лодыгинлөн кывбур вылö медводдза гаж кежлö нин. Сэсся кык друглөн лосны праздниксö йöзкостса вöчысь сэтшöм сыланкывъяс, кызди «Сёлөмьд тшöктыгöг сылö», «Водзö на и олам-вылам», «Асланым сыланкыв», (Водзö 3 лист бокын).



«Эжваса дзоридзьяс»



Керчомъяса гудькасысыяс



Юрий Спиридонов



Вячеслав Гайзер



Геннадий Юшков



Владимир Тимин



Лидия Логинова

Съылісны өткөн: Лидия Логинова, Прасковья Кузьпелева, Альфия Коротаева, Валентина Чеботарёва, Любовь Розе, Вера Булышева, Виктория Пыстина, Наталья Траилина, Ирина Рыжова, Нина Лодыгина, Лилия Першина, Светлана Липина, Наталья Канова, Ирина Латкина, Любовь Туголюкова, Вера Басакова, Нина Тарабукина, Василий Рочев, Михаил Бурдин, Пётр Шучалин, Михаил Оверин, Алексей Ген, Григорий Игнатов, Павел Осипов, Денис Чисталёв, Семён Горчаков, Иван Пименов, Максим Уляшев, Андрей Канев, Александр Кузнецов, Яков Чувьюров да с.в.

Съылісны котыръяс: «Асъя кыа» государственной ансамбль, В.Т.Чисталёв нима «Эжваса дзоридзьяс», «Рябинушка», «Збнзбвй», «Ловъя ва», «Эжва йблбга», «Мича аньяс», «Пельсь мольяс», «Эжва катыд» хоръяс, «Коми съылан», «Зарава», «Этюд», «Исерга», «Лысва войт», «Козин», «Коми аньяс», «Майбыръяс», «Юркытш», «Ижемка», «Северяночка», «Зильган турун», «Парма», «Сипертас» да мукдö ансамбльяс.

(Заводитчöм 2 лист бокин).

«Ми - Кулöмдінысь куим Вась», «Гулай, Вася». Йöзöс öтүвтана, найöс ышöдана да ас оласног петкöдлана тайö съыланкывъяс дорö содсны мукдöъяс. На лыдын бара жö Василий Гуцинлөн «Василейвыса кадрийль» (кывбур Г.Юшковлөн), «Лым, тайö лым» (кывбурас аслас), Василий Кочановлөн «Ва - Василей» (кывбурас аслас), Александр Уляшевлөн «Коми муй» (Г.Юшков).

Василий Гуцинлөн тöждлунöн сідзжö вöліны художественной котыръясöс дасьтöм, сцена лöсьöдöм, музыкаон мөгмөдöм да мукдöтор. Ставö сійö вöчис ыджыд кывкутöмөн. Кыв шутöг, медыджыд тöждлун вöлі сы вöсна, медым гажыс артмис йöзкостяөн, аслыспöлөсөн, быд во шензöдис выльторъясөн. Кык друглөн отсасысьясөн лоисны сувтöдöм мөгъяс пыдисьян гөгөрвоысь йöз. Тайö медводз Москваысь И.Г.Скляр, кодi босьтчис пуктыны «Василей» гажъяс, важся коми оласног бура тöдысь О.И.Липина, коми оласнога

СÖВМАН ТУЙ ВЫЛЫН

Быд гажлөн подулын вöлі гижöд (сценарий) серти пуктантор. Уна во чöж сценарийяс дасьтисны асьныс В.Лодыгин да В.Гуцин. Öти воö лöсьöдлсны весиг мойд, кыдзи ас визув вылö ставсö лэдзöм сарлөн йöз сöмын гажöдчöны, а удж оз тöдны. Мойдъясса геройяссы асьнысö збыльвылö олысьяс вöлі ылöсалöмаöсь. Сценарийяс артмылісны эз сöмын кык өртлөн, а став отсасысьлөн зильöмөн, налысь шогмана вöзйöмторъяс пыртöмөн. Бөрүнджык тайö уджö босьт-

руөн олысь Д.А.Чаланов, ас культура вöсна ыджыд тöждэ Н.В.Русинова. Куимөн, В.Лодыгин, В.Гуцин да И.Скляр, гаж дасьтöм мөгъяс, торйөннин сылөн матыстчигөн, пукавлісны войбыдзьясөн.

«Василейлы» зумыд подулөн сідзжö лоисны сылысьяс да сылысь да йöктысь котыръяс. Тайö медводз Лидия Логинова, Нина Лодыгина, Наталья Траилина, В.Т.Чисталёв нима «Эжваса дзоридзьяс» народнöй хор, кодөн веськөдліс ачыс В.Гуцин, Керчомъяыс челядьлөн «Козин» котыр, сэтгысь жö В.А.Поповлөн веськөдлөм улын гудöкасысьяс, Помөдінса сылысь-йöктысь да спектакляс пуктысь котыръяс.

«Василейлөн» сюрöсын зумыд «лыён» сідзжö лоисны «Асъя кыа» ансамбльлөн оркестр, кодөн юрнуöдис художественной веськөдліс В.А.Волохов, да С.И.Гусевлөн «Зарни ёль» котыр, кодъяс ворсисны сылысьяслы, вöліны, кыдзи композиторъяс, сылысьяс, йöктысьяс, нуöдысьяс да мукдöъяс, «Василейлөн» шöр геройясөн.

чисны профессия серти матынджык йöз. Öти воö гижліс сценарий да пуктыліс Кулöмдінысь петавлөм морт, В.Савин нима драма театрын ворсысь Михаил Липин, некымынысь - Лузадор районаса культура юкөнөн веськөдлысь Надежда Рапирович, бөръя воясын, ассыс аддзöмторъяс пыртöмөн, ыджыд гажсö пуктö Кулöмдін районысь жö петавлөм морт, искусствояслөн гимназияын уджалысь Виктор Напалков. В.Лодыгинлөн да В.Гуцинлөн сценарийяс подулын кö кызыв-

нас вöлі коми йöзлөн ас олан ру, то бөрүнджык локтысьяс аддзисны öнйджык серъяс. Пример вылö, В.Напалков «вай-йöдліс» «Василей» вылö мукдö планета вылын олысьясöс.

Вочасөн пыр ыджыдджык корöмъяс лоисны кыдзи съыланкыв тэчысьяс, сідзи и найöс петкөдлысьяс дорö. Босьтан воясын кö вöлі позяна конкурсын петкөдчыны кöть кодлы, то культура кузя министерстволөн вынсьöдöм положение серти «сысьялөм» бөрүн петкөдчыны кутис сöмын 12 композитор, юргыны сы мында жö съыланкыв. «Пыдзыртисны» и номинацияяс. Сідз, 1997 воын вöлі 10 номинация. «Уна зонъяс мунисны» патриотической съыланкывысь пасийсны Г.Горчаковöс, «Сёрми» эстраднöйысь - Г.Игнатовöс,

«ВАСИЛЕЙ» ДА ВЛАСЬТ

Колö тöдчöдны, мый «Василей» сьблөм серти лоис эз сöмын йöзлы, но и властылы, кыдзи районын, сідзи и республикаын. Босьтны кö районöс, то зэв ыджыда пыдти пуктис сійöс юралысь С.П.Каплин. Сэки эз тырмы сьöм непöштö гаж котыртöм, вегитö сёян-юан вылö, но Сергей Петрович корсыліс позялунъяс, медым гажыс кышыл бордъяөн вöлі век. Кыв шутöг, республика сьöмсö сетіс, но сійö эз тырмы. С.П.Каплин жö вынсьöдліс челядь котырлы районысь премия да эз дзеб нимкодлунсö, кор тайö премияыс вичмыліс Керчомъяысь «Козин» хорлы. Буретш тайö котырлы премия сетігөн районыс юралысь шуис:

- Миян Эжва йыв мед век лоö съыланкывъяөн. Тадзи

«Олөм пуö» акапельнöйысь - С.Свентицкаяöс, «Чужан му» чужан му йылысь съыланкывысь - М.Новосёловöс, «Сера борда варыш» йöзкостса хорлы съыланкывысь - В.Гуцинöс, «Югыд томлун» лирическойысь - М.Оверинöс, «Ботi» аслыспöлөс съыланкывысь - А.Фёдоровöс. Тарысь öтдор пасийсны медводдзаясь петкөдчöмысь А.Поповöс, ыджыд удж вöчöмысь М.Скомороковöс, медбур кывбуряс А.Шебыревöс. Бура дырнин номинацияыс 5-6. Век эмöсь чужан мулы, челядьлы, муслунлы сійöм съыланкывъясы номинацияяс.

Век вичмөдлісны медводдза, мөд да коймөд места. Бөрүнджык лоис гран-при, кодöс медводдзайн босьтис «Лэччис пондi» съыланкывысь А.Фёдоров.

артмас сöмын сэк, кор кутам пыдти пуктыны челядьны-мөс.

Лыддис коланöн волывлыны фестиваль-конкурс вылö республикаса юралысь Ю.А.Спиридонов. Сійö пыр вайліс козинъяс: то куим Василейлы, то кутшöмкö сылысь котырлы, то культура керкалы. Эз кольччыны сысы и бөрас юралысьяс да Госсөветөн веськөдлысьяс.

Мый республикаса властылы абу веськөдö Эжва йылын чужöм аслыспöлөс гаж, кодi вайö оз сöмын радлун, но и озырмөдö кыдзи торъя сылысьяслысь, сідзи и котыръясысь репертуар, финн-йöгра регионъясын да странаысын, лыдды, и мирын нимөдö республикаос, висьталö сійö, мый тайö властыс унатор (Помыс 4 лист бокин).



Михаил Скомороков



Александр Шебырев



Александр Уляшев



Василий Лютеев



Выльгортысь «Мича аньяс»



«Козин» ансамбль



Василий Лодыгин да Нина Лодыгина



Екатерина Битнер



Вера Булышева



Михаил Шахов

Йоз медся ёна пьдди пуктоны Василий Чувьоровлысь «Пипилисті сөкөлөй» (кывбурсө гижис Александр Лужиков), Василий Гуцинлысь «Василей» (В.Лодыгин), Василий Лодыгинлысь «Гөгөра» (кывбурис аслас), Михаил Оверинлысь «Менам чужанинын» (В.Лодыгин), Марк Новосёловлысь «Лэбб джыдж» (В.Лодыгин), Пётр Шучалинлысь «Райда» (В.Лодыгин), Александр Уляшёвлысь «Шондйой дай, меным петысьбой» (В.Лодыгин), Василей Лютовлысь «Ыджыд мамлөн шуд» (кывбурис аслас), Фёдор Вокуюевлысь «Менам батыой» (В.Лодыгин), Ирина Чувьоровалысь «Ен да бур йоз» (кывбурис аслас), Борис Тюрнинлысь «Тэ кё эськё менам вөлін» (В.Лодыгин), Гелий Кочановлысь «Сикөтш» (В.Лодыгин), Василий Марсовлысь «Мамлөн керка» (В.Лодыгин), Александр Шебыревлысь «Ключ» (кывбурис аслас), Михаил Шаховлысь «Кодлы кызд, а меным колө» (В.Лодыгин), Юрий Уляшёвлысь «Сюзь Матвей» (кывбурис аслас), Виктор Остряковлысь «Лэбб тури» (кывбурис аслас), Михаил Скомороковлысь «Кытшён йоктам-бергалам» (В.Лодыгин), Ирина Латкинались «Пөлянй» (А.Казакова), Александр Фёдоровлысь «Лэччис шонди» (кывъясыс йозкостсаёс), Григорий Игнатовлысь «Сёрми» (кывбурис аслас) сыланкывъяс.

(Пом. Зав. 3 лист бокин).

вочис сійос водзё совмодом могысь. Медводз-кө, кызди пайим нин, шуис, мый тайо праздникслон эм олом выло право, сійо колана. Мөд-кө, күтис могмодны сёмон. Кой-мөд-кө, вынсөдис ассыс премияс: гран-при күтис вичмодны республикаса юралысь, а видзодысыялысь приз - Госсөветса председатель.

Власыт нимсян унатор вочоны местаяс вылын. Сэтчос юралысьяс кыпөдөны да мөдөдөны «Василей» выло медбур аспёр артистясөс да котырясөс. Бур боксян позё прайыны Керчомъяныс Л.Е. Траилинаос, Помөсдиныс М.В.Курочкинос (вөвлөмөс), Кулөмдиныс С.В.Рубанос (администрацияон веськөдлысьөс), Пожогыс В.И.Сенькинос (вөвлөмөс).

«Василейос» чужомсяныс пьдди пуктоны республикаса министрвоон да ведомствосон веськөдлысьяс. Топыдос йитөдгяс «Мондикод», культуралон, национальной

туывизьлөн министерство-яскөд, гижысыяслон да композиторьяслон котырьяскөд, народной творчестволон шоринкөд.

Кыв шутөг, гаж пестомө медыджыд пай пуктоны культураса уджалысьяс, кодьясон юрнуодо культуралон юкөн. Сыон веськөдлысь Т.Н.Попова ыджыд төжда, мед праздник отаро совмис. Кывкүтом төдчө и местаяс вылын уджалысьяс. Вайодам нимгясо культура керкаясон веськөдлысьяс, кодьясон лооны Помөсдиныс В.В.Соколюк, Пожогын М.Е.Шахов, Вьльгортын С.И.Уляшёва, Керчомьяын Н.А.Лодыгина (вөвлөм).

Быть колө пайыны, мый Эква йывса да ставнас республикаса йозлысь оломсө бурджыкөн, кыпыдджыкөн вочом могысь «Василейлысь» ыджыд төдчанлуно бура гөгөрвооны районса өния юралысь Д.А.Шатохин да республикаса өния юралысь В.Гайзер. Колө чайтны, мый гаж ло нөшта кыпыдджыкөн.

вит сыланкыв, кызь вонас артмө сө. Артыштны кө тайос, шуам, комын композитор выло, то лоо куйм сюрс сыланкыв! Ыджыдсыс-ыджыд, некызди донъявны позьтөм озырлун, кодй вьсьса быдөнылы. Вьль коми сыланкывьясон петкөдчөны кызди аспёр, сизди и профессиональной сылысьяс да котырьяс, найо юргөны радио да телевидение пыр, петөны

сборникьясон, дискьясон, кассетаясон.

Кызь воон ёна выло кыптис сямыс асланыс аспёр композиторьяслон. Откымынтяс лисны Коми республикасыс да Российской Федерациясыс культураса заслуженной уджалысьясон. Бөрьяс лыдас Гений Горчаков, Василий Лодыгин, Пётр Шучалин.

Кыптис сям и сыланкыв петкөдлысьяс. Альфия Коротаева - Российской Федерацияса заслуженной артистка, Лидия Логинова - республикаса народной артистка, Вера Булышева - республикаса заслуженной артистка, В.Т.Чисталёв нима «Эжваса дзоридзьяс» хор да «Рябинушка» ансамбль новлодлоны «народной» ним.

Ас кадө В.Лодыгин да В.Гуцин мөвалисны, медым районса культура керкалон подув вылын котыртны «Василей» керка, вочны сійос местаяс вылын йозкостса гажьяс котыртан да пуктан шоринөн. Шуисны лэдзны «Василейлөн» ним-пасьяса сувенирьяс, ышөдны та выло киподтуя йозос. Учритлисны сизжө котыртны, медым бурджыка овны сёмон, «Василейлысь» фонд. Тайо ставис талун кежлө вөчтөм.

Унатор на вөчтөм и асьсө гажсө паськыдджыкөн лөсьөдом могысь. Пөшти нинөм оз вөчсы бьвла вылын. Абуос тройка-вөвьяс да кора додьяс, медым лэбьштлыны лым-бус. Этша выло мед вөли нель тройка, гаж йылысь юор разодны быд вожк: Помөсдино, Немдино, Ручө, Вочө.

Эм коланлун петкөдлыны тайо гажсө финн-йөгра регионгясын да странагын олысыялы. Ёртасыны босытчылм коми-пермякьяскөд, и то дугөдчим. А медым эськө быдлаыс волисны да петкөдлыны сямлуно.

Гажыс кө артмас нөшта мичаджык, сы выло кутасны волыны сэтшөм йоз, кодьяс вермасны отсыштны сёмон. А кутам кө водзё «пуны рокосө ичөт чугунын», то некутшөм паськөдчөм да кыпөдчөм оз ло. А окота, мед «Василейлөн» горыс отаро содис, сы йылысь төдисны пыр унджыкөн. Мед выль сыланкывьясон век локтисны асланым енбия йоз.

Коми йөзлөн «Василей» Эква йылын чужис. Ёнмыштис да, майбырөй, Ылө лэбны кужис.

Юргө сійө сэн и тан, Весиг ыли муын. Сэр, синьор, милорд и пан Оло коми руон.

Коркө лэбзяс муыв морт Мөд планета выло. «Василей», кызд медбур ёрт, Сэки лоө сылөн.

Но а медся на өд бур, Кызди радлам өни. Сысы бурджык гаж оз сюр, Мед и нимөдөны.

Комияс шуоны: «Кузь нэм да бур шуд!» Тайос жө сям и «Василейлы», да выльысь аддзсыльтөдз!

Василий ГРИГОРЬЕВ.



Иван Нестеров



Виктор Остряков



Игорь Пировов



«Асъя кыа» ансамбль



Пётр Шучалинлы приз



Сылыштам да йоктыштам

ПЕТӨ ВОТОРНИКӨ, ЧЕТВЕРГӨ ДА СУБӨТӨ
Редакциялөн адрес: 168060, Кулөмдин,
Ленин нима улица, Печать керка.
Редакциялөн расчөтнөй счөтыс -
407 038 104 280 441 000 28
Сыктывкарса 8617 номера Коми ОСБ-ын.
ИНН 1114000824
E-mail: sden2011@yandex.ru
www.Парма-гор.рф - официальный сайт

Главной редактор - 94-5-77; редакторөс вежысь, корреспондент - 94-8-64; экономика, социальной могьяс да письмөяс юкөн - 94-8-65; компьютерной юкөн - 94-3-60; бухгалтерия - 93-9-34 (факс); реклама юкөн, корректор - 94-5-80 (факс).
Газет регистрируйтөма Коми республикаын связьлөн, юор сөтан технологияслон да массөвой коммуникацияслон юкөн видзөдан федеральной службалөн управлениебн. Рег. номер - ПИ № ФС 3-0447.
Тираж 3435. Индекс 52062. Обьём 1 п.л.

Доныс вузөс выло сёрнитчөм серти. Поступающие материалы редакция не возвращает, перевод на коми с автором не согласовывает.

Главной редактор
В.Г.ЛОДЫГИН.
Кырымалөма печатьө 14 часын.
График серти - 14 часын.

Учредительяс:
«Кулөмдин» муниципальной котырса муниципальной районлөн администрация, Коми республикаса печатльон да массөвой коммуникацияслон агентствө, «Кулөмдин» муниципальной котырса муниципальной районлөн «Парма гор» газет редакция автономной учреждение.